



## Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET  
SAGA-||RVM SECVNDÒ RECOGNI||tus, & auctior redditus.||  
An, & quanta fides ijs adhibenda sit?||**

**Binsfeld, Peter**

**Avgvstae Trevirorvm**

**VD16 B 5530**

Nona Conclusio. Alchimistæ vt plurimum etiam inuocatores Dæmonum, ita  
vt Alchimia sæpè sit coniuncta cum magia.

**urn:nbn:de:hbz:466:1-41113**

officere substantiæ externæ ipsius artificis siue  
Alchimistæ, quoniam sèpè ditissimi exercitio  
huius artis ad summam miseriam & maximā  
inopiam deueniunt, ut DD. communiter at-  
testantur. Angel. & Syluest. in verb. Alchimia,  
Baptista Mantuanus lib. 3. cap. 2. de patientia.  
Perer. & Gregor. de Valentia locis cit. Miran-  
dulan, vbi supra. & alij alibi. Vnde Albert.  
Brunus loco cit. testis est, quod liber scriptus  
de Alchimia à magistro Arnaldo de Villa No-  
ua, mille depauperauerit, & Alberic. in L. I. ff.  
depignorat. actio. ait. Multos vidi ad extre-  
mam paupertatem deductos, & nullum dita-  
ri. Vbi etiam subiungit se audiuisse à medicis,  
quod hæc ars noceat corporis valetudini.  
Huic congruum est, quod Ioannes XXII. in  
d. extrauag. vocat eos pauperes Alchimistas, &  
dicit, quod facultates exhaustant.

*Nona Conclusio. Alchimistæ ut plu-  
rimum etiam sunt invocatores Daemonum,  
ita ut Alchimia sèpè sit coniuncta cum  
magia.*

**H**ANC docent Eymericus in Directorio  
inquisitorum. 3. part. in tit. de signis exte-  
rioribus per quæ Necromantici hæretici dig-  
noscuntur, & Franciscus Pegna in Comment.  
ibidem. num. 115. & in 2. part. comment. 36. Nec  
sunt alieni ab hac sententia Iurisperiti, quan-  
do

do docent Alchimiam esse licitam, si fiat sine arte magica, aut alia prohibita & legibus odiosa, ut volunt Oldrad. Ioan. Andreas, Petrus Ancharanus. Ioannes ab Anania, & alij plerique in locis allegatis in prima Conclusione. Roboratur hæc Conclusio ex L.vni-ca, lib. io. de Thesauris, vbi permittitur vni-cuique thesaurum in proprijs locis quærere, sine sceleratis ac puniendis sacrificijs, aut alia qualibet arte legibus odiosa.

Ratio autem ab Eymerico auctore directorijs optima hæc redditur; quandoquidem Alchimistæ, quando non possunt pertingere ad finem intentum, Dæmonis auxilium quærunt, inuocant & implorant, & implorando obseruant, & tacite vel exprefse sacrificant. Sic Arnaldus de Villa noua, qui fuit Alchimista, magnus etiam fuit hæreticus, & Dæmonum inuocator. Annotat tamen Franciscus Pegna circa hanc Eymerici rationem, plurimum referre intelligere, à quibus Alchimia exerceatur: Nam si à Principibus tractetur, & opulentis, ac pecuniosis diuitibus, hac fortassè suspicione, quam ei tribuit Eymericus, vacabit. Quod si à pauperibus, vel mediocriter diuitibus usurpetur, quoniam isti maiori ex parte ad inopiam rediguntur, ad duo incommoda solent se conuertere: aut ad Dæmones inuocandos, aut ad falsam & adulte-

rinam

rinam monetam crudendam. Imò rectè etiam ab Angelo in verbo Alchimia obseruatum est aliquando diabolica fallacia apponi, & occultè adduci verum aurum, vt Alchimistæ feruentius huicarti inuigilent. Ex his omnibus clarissimum redditur, nemini consulendum esse, vt tali arti vacet, sed potius omnibus persuadendum, vt eam, vti rem periculosam, perniciosa, & cunctis bonis odiosam detestentur. Hinc rectè se habet illud dictum à Francisco Pegna relatuum loco citato.

*Ars suspecta probis, ars ipsa intuisaque  
multis,  
Inuisos etiam cultores efficit artis.  
Mendaces, addo, multi manifestè videntur,  
Qui seipso, aliosque simul frustrantur  
inertes,  
Dum rerum vertere species tentant.*